

NOSTALGIE-PREIS
CHF 4.00!



HÄGEDÖRFER- SPÖIZ

Herausgeber: ROOT-RAT

2017

AKTUELL

HOCHBRISANT

unabhängig SPONTAN

INFORMATIV

NEUTRAL
ZIELSICHER

39.
Zusgabe



Scho isch er weder i der Luft
Kaffee, Fasnachtschüechli, Mehlsuppe e wunderbare Duft.

Uf der Fasnachtsplaquette si s`Müsli unds Elefäntli farbefroh am mole
Villicht drinke si au zäme gar chli Bole

Wär weis was die zwöi aues döi pinsle
set der eint oder anger ar Fasnacht e chli Farb abübercho
geht's de gar nüt z`winsle.

Ebe em Dorf chert Narrezyt weder i
Und bi Gott dasch esch scho gli es darf au nie anders si

E be jo gspannt, wie dä XL Root de do derhär chunnt
und wärs de überhaupt au esch
Dasch bes jetzt no ungerem Tisch

Es wohlbehüetets Gheimniss wie alli Johr
do chasch no so studiere und chratze i de Hoor

Das weis me vörhär ebe ned

Guet e gebe dä Bäse respektive mis Zepter gärn ab für die Ziit
Sisich emmer lustig und bringt is wit.

Wüset der die Ziit het wüekli viel guets Gebahren
Do darf me scho chli met grossem Gschütz uffahre

Farbefroh esch emmer guet
das bringe alli unter ere Huet


Was XL gnau bedüetet
weis i ersch wenn der Root em Dorf ome lütet.

Uf jede Fall freu e me uf Fasnacht wo do chunnt
Ebe farbäfroh und bunt.

Gniesset die Zyyt si isch au schäll weder verbi
So esches ebe und so werds si.

Root du XL Fasnachtschef wär emmer au magsch si
E gueti Fasnacht wünsch e der e be au derbi!

Der Chef vom Dorf



Proklamation

Ganz genau vor zehne Jahr,
be'n eg do gstande, das esch woehr.
Damals no als Sekundant,
höt träge eg s'rote Schellegwand!

Dank dr Sara, em Asti und em Gigi als mini Sekundante,
chann eg höt do stoh und "meines Amtes" walte.
En Wildi und zwei Guggefraue,
i die drü han eg voll's Vertraue.

En schwerigi Zit lit hinter mir,
dass eg do stoh, verdank eg der, der und der!
En grossi Ehr esch's, do dörfe stoh,
mit Zueversicht sag eg "eg be weder do"

Eg luege i d'Rundi und weiss es ganz klar,
d'Unterstützig esch do, vo dere Fasnachtsschar.
Paar Lümpe umbunde, chli Farbe is Gsicht-
egal weles Alter, Gschlecht oder Gwicht.

I sir eigete Farb macht jede chli mit,
damet's en grossi Farbpalette git.
Es brucht en jede, öb luut oder liis-
Fasnacht esch diis, Fasnacht esch miis!

Fast jede Tag tüe d'Medie brichte,
vo dunkle und unvorstellbar truurige Gschichte.
Aber vom Schmutzig Dunnstig bis zum Äschemittwoch, mini Liebe,
dörfe mir die Tatsache bitz uf d'Site schiebe!

Farbefroh und XL-stark wei mir die Fasnachts- Tääg verbringe!
Wei mitenander feste, tanze, gumpe, singe!
Uf de Gasse umezieh und Party mache,
mitenander fiire, proste, witzle, lache!

XL heisst 40 und dasch mini Zahl!
Us Root stohn eg do- danke der Gugge für ehri Wahl!
XL esch chli grösser als d'Norm, beschriibt es Format-
i däm Sinn mache mir jetz en Polonaise mit allne- sit der parat?

Zäme mit dr Gugge laufe mir jetz zum Chrigu i d'Schlucht.
En brätschvulli Beiz mit tolle Lüt, das esch doch en Wucht!
Hänket a, es esch's jo ned wiit!
Höcklet chli zäme und gniesset die Ziit!

Uf ne unbeschwert, starki und farbefrohi Fasnacht!



Root XL



uf de Klewenalp hesch chönne gseh
wie eine tuet sis Natal sueche
gsehshim Stock und Stei usenander neh
und unter jede Grashalm luege
um so schöner ischs am Schluss zfeststelle
dass Natal duet im Auto schelle
Kartin Mamber



D'Zunftmeisterin vo der Schlümpf het sich blamiert,
si het ned gwüsst, dass der Nationaupark existiert.



Me het der Johann Schneider-Amman ned lang müesse überzüge,
dass är mit der Angela Merkel i ihrem Jet mit goht go umeflüge.
Wöu me öisem Bundesrot sini Usdruckswis längwilig cha nenne,
het die dütschi Kanzlerin während däm Gspräch eifach afo penne.

Sex-Skandal an Olympia
Pariser chasch im Vorus ha
Bi der Polizei gits au Missbruch
vo der Kapo z'Basu chunnt dä Schluch
Au d'Chile muess vo so Sache brichte
derfür döi si e Fonds irechte
Und wotsch ine grösseri Wohnig go
esch s'Hägedörfer Sozialamt do



Reklamiert het dr Martin Vögeli 2 Woche lang
doch s OT heter immernonig i dr Hang.
Är het de gmerkt, dass Probeabo abglaufe isch
muesches haut abonniere de hesches ou ufem Tisch.



Dr „Zickenkrieg“ das esch doch es Klischee
Doch der „Zika-Virus“ dä duets wörllich ge
Vöu Golfer chöme wäg däm ned a d'Olympiade
Das het e Nochgschmack, ganz e fade
Hei si wörllich wäg dämm vor Angscht e d'Hose gschisse
Oder döi die riche Golfer a der Olympiade s'Prisgäld vermisste



Die Alte säges immer wieder
Chum setze sich die Junge im Zug nieder
Wird nur no de Handybildschirm betrachtet
Alles drumume wird nömm beachtet
So starrt ou eine nur i sis Handy dri
Das er erscht in Egerkinge merkt das Hägedorf isch scho verbi
Due lieber wachsam usem Fenster d'Landschaft gniesse
Michael Hug de duesch nömm so übers Ziel usschiesse



E GV-Planig das brucht Zyt,
am Fasnachtssamschtig esch ned dr Hit.
Männerchor



GUTSCHEIN

Für 1 Wienerli
mit Brötli

für alle Fasnächtler
die am Umzug mitmarschieren sind



Wenns Hirsechössli leisch id Mikrowälle
söttisch si ned z lang istelle.
plötzlich muesch de rönne
wöu s Chössli het afo brönne.
Conne Häfeli

Ir Schlucht macht är für d'Chind der Chlaus
Doch lueg jetzt mou däs esch e Graus
är vomene Verein becho
Miggu eifach e Andere gnoh



HÖCKELER-MASKENBALL

Rosemännig - 20:00 bis 02:00 Uhr
mit 2-Mann Band
"Twanner-Sound-Maschine"

Häggeri Gugge Hägedorf,
Stedtlhüpfer Weidlisbach,
Gäuschränzer Gunzge,
Chräieschränzer Egerchingel!

RAIFFEISEN ARENA



D'Tickets für uf Brasille hani buecht zur rächte Zit,
mini Frou chunt vo dört, dorom göi mir so wit.
Am Reisetag klappts ned mit der Zit – es git bösi Wort,
Es isch zum schreie, dä cheibe Flüger isch scho fort!
I dene Sommerferie ischs ihm gar domm glouffe,
Der Vögeli Röschu muess Tickets für im Herbst chouffe.

Vater werden ist nicht schwer,
es dann aber sein schon sehr.
Essen geben und immer wieder neu bekleiden,
diese Arbeit ist nicht zu beneiden.
Dann noch beide Füsse im selben Hosenbein,
da mussja das ständige Umfallen vorprogrammiert sein.



Yves Sommer

Was passiert esch würd öis interessiere
wöu är esch eine wo gärn duet inseriere
scho s'letscht Jahr het mer brichtet vo däm arme Tropf
wägere Schnatte vo der Hippos-Boxe a sim Chopf
e Prognose was das Mou mit sim Chopf esch dör mer ned woge
drum döt doch der Jenni Rolf grad sauber froge

Ganz klar en gueti Idee wärs
Zum Üebe nähmets uf die glernte Värs
Bi jedem Fehler nomol vo Afang a probiere
Bis de am Schluss alles fehlerfrei duet funktioniere
S'Ufnahmegrät wär gsi perfekt positioniert
Aber das mitem Ufnäh het leider nit funktioniert
Der Ufnahmeknopf zdrücke hends vergässe
En ganzi Stund für nüt dör gsässe

DIE
SCHLÜMPFE


DIE
SCHLÜMPFE 2

En Wuche später probierets wieder
Dasmal ischne aber en andere Schalter zwider
Scho wieder en Wuche ohni Ufnahme trainiere
Die singende Schlömpf chöi nit grad mit Technikwüsse brilliere



A d'Olma go e Brotworscht frässe,
söttisch eifach eis ned vergässe.
Senf verlange esch ned guet,
das brengrt i St. Galler Ränze nome Wuet.
Rämsy

D'Frou het Geburi, s'Fäscht stoht a.
Aus isch parat, no s'Fleisch muess si ha.
Bstöt het si das früeh gnue gha,
abhole söus denn ihre Maa.
Wo är bim Friedli ar Theke stoht,
chunt är plötzlich in Erkläringsnot.
Bim fausche Metzger isch är go froge,
d'Frou het der Chräibüel vorzoge!
Häse Maas



Schnitzelbänke & Guggenmusik

Donnerstag, 23. Februar 2017

Zeit / Ort	Insieme	Schlüssel	Schlucht	Sportsbar	Bistro
19:30 Uhr	ROOT XL	Gold Söi	Schlümpfe	Höckeler	Sengbuebe
20:10 Uhr	Hägageri	ROOT XL	Gold Söi	Schlümpfe	Höckeler
20:50 Uhr	Höckeler	Hägageri	ROOT XL	Sengbuebe	Schlümpfe
21:30 Uhr	Sengbuebe	Höckeler	Hägageri	ROOT XL	Gold Söi
22:10 Uhr	Gold Söi	Schlümpfe	Sengbuebe	Hägageri	ROOT XL
22:50 Uhr	Schlümpfe	Sengbuebe	Höckeler	Gold Söi	Hägageri

Gesucht:
Warnkleber für Glasscheiben auf Augenhöhe,
welche für Menschen lesbar sind.
Angebote bitte an Watascha Nicki

Vorsicht Glas!



Am Morge am Nüni duet är a d'Heso goh
Doch dass kei Lüt het, cha är ned verstoh
Was, erscht am Zwöi gohts uf, läck ha e me tosche
Jetzt stoht är döt, dr Hänggi Urs und macht e Gosche



Pokémon GO isch der Hit,
sogar Game-süchtigi wärde fit!

Dr Fischer Ahti zahlt die paar Franke und fahrt mittem Auto bis vor d Schranke.
Er sucht s's Ticket am ganze Leib, du du besches am Automat vergässe, du domme Cheib.

Im Belchetunnel hei si Gescht
Aber in Wahrheit döt si noni i der Mitti si
Doch d'ladige si scho verschickt gsi
Im Schuelhus Oberdorf wird für d'Chinder der Pauseplatz überdacht
Scho komisch, öisne Grinde het der Räge früehner nüt usgmacht



S Conni Noti het am Automat welle Zigis useloh
und het für das e ID vöre gnoh.
Nach mehrmaligem probiere,
foht sie doch afo studiere.
Sie luegt de mau die ID a
und gseht, si esch vo der 4-jährige Tochter, der Finnja.

I de Sommerferie isch Post hei cho,
s'Couvert isch schnäu usem Briefchaschte gno.
I däm Brief duet drinne stoh,
i weli Klass dass si wird go.
Me chönnt meine, s'isch aus klar,
gli drufabe wird's aber sonderbar.
Jetzt chöme s'Students nömmе drus.
Lut däm Schribe chunt si i die ander Klass,
so ne Fähler findet ned nume d'Kaya krass!





Abwechsligswies
Doch wär hüt dra esch het eini mou vergässe
Dorum gits das Mou es huere Gnosch
Wöu beidi Choche weisch ned wo hänegohsch
s'Häfelis und **s'Jennis** hei sich für s'Rindsfilet entschiede
doch wäre si au mitem Chinoise gsi z'friede
damit das nüm passiert und au keini muess studiere
Daniela und Gisela döt doch schnäu zäme telefoniere



Usem Bundeshus
Im Bundeshus hei si Session
dr Köppel mäudet sich as Mikrophon
d Frau Bundesrot duet de plötzlech dr Saal verloh
die ganz Partei hinde noh
nach paar Minute chöme au weder a ere Siiz
D Sommaruga het ufs WC müesse, es esch kei Witz



En Usflug id Sunne sölls si
Mitem Auto uf Önsige fahrets hi
Vom Nebel weg immer witer gloffe
Zwischedure no es Gläshi gsoffe
Plötzlech sind sie in Hägedorf acho
Nur Blöd ischs Auto nit mit Ihne metcho
Drum mitem Bus uf Önsige retour
Planet doch s'höchstmal chli besser öichi Tour
Dr Simi Glaus und sis Käthi

Se duet's Hotschi-Vorstopfe organisiere
Das esch scho am 6, wöu se muess pressiere
die andere göi nochem Stopfe i d'Schlucht no eis gö ha
und wär duet äch döt mitem Handy ar Theke stoh
es esch kei Witz doch es esch witzig
Chrige Becher het kei Ahnig, wo se jetzt muess a d'Sitzig

Am Ufstelle ischer no voll derbi
Wo er wieder chont isch s'Konzert aber scho verbi
Er het gmeint sie spiele erst am Obe
Stephan Elias los doch mal zue ar Info ide Probe



Es Chlausesäckli mit Schöggeli vou Schnaps, söttisch ned dim 9 jährige Göttibueb gäh.
Muesch no 9 Johr warte, de darfer sie de ou näh.
Histrid Arrlinger

Institut für geistiges Eigentum
Patentanmeldung
Wasserloser Wasserreiniger für Haus und Garten
Sereina sucht noch interessierte Investoren



CHESSLETE

Schmutziger Donnerstag
05:00 Uhr ab Spitzenrütli
...und anschliessend
Mehlsuppe in der
RAIFFEISEN ARENA
offeriert durch die
Einwohnergemeinde.
Das beste Lärminstrument
wird durch die
Höckeler-Zunft prämiert!

Wenn dim Chind beidi Bei i eis Hosebei duresch moschte,
chönt di das am Fasnachtsontig 100 Franke choschte!





Esch die Masseiwanderigsintitiative für d'Schwiz guet zum das usefnde, fählt der Regierig der Muet D'Angscht esch gross me chönnt gäge d'EU verlüre wenn mer Zuewanderig wie abgstomme würd stüre Obwohl d'Mehrheit vom Volk das so het enschiede setzt mes ned um und läbt mit der EU in Friede

Ar Fuessball-EM hei d'Schwizer hei grossi Strick verrisse, derfür hei si aber grad massehaft Libli gschlisse.




S'Karin Lack isch einsam gsi am Schuelschlussässe, bim Rundmail vo der Absag het me si eifach vergässe!



Der Zug duet luut in Bahnhof fahre Es stiige i und us viel bunti Naare Doch de gröschti Naar duet nitmal ufe stiere Vertieft mitem Handy am Pokemon trainiere Der Zug fahrt witer, duet nit länger warte Cornelia Strobel chasch schomal s'SBB-App starte

Als Künstler het är sich versuecht Spontan d'Beiz nach neuartige Materialie dursuecht Schnell heter es pack Zucker zur Hand Leert das us bis use an Tischerand En Süesse bisch, das wüsse mir doch allemal Aber denk doch ou as Servicepersonal Din Zuckerhuufe isch en Katastrophe Mige Stalder din Astand settme strofe



Skandal!

Bundesamt für Landwirtschaft verweigert Subventionen für innovative Anbauidee.

Wie aus gut unterrichteten Quellen zu erfahren war, verweigert das zuständige Bundesamt Zahlungen für einen neuartigen Anbauversuch von Spargeln in Hägendorf. Der untriebene Unternehmer Fögeli Vritz (Name geändert), versuchte mit seiner neuartigen "Spargeln-im-Kreiselstreuen" Methode, den Beweis anzutreten, dass es effizientere Prozesse zum klassischen Spargelanbau gibt. Die vögte aus Bern sahen das anders und lehnten den Vorschlag als Unsinn ab. Einzig die Gemeinde Kappel zeigte Interesse, da alles was in ihrem Kreisel liegt, besser aussieht als jetzt. Ob der Hägendorfer Unternehmer noch einen Versuch unternimmt, ist der Redaktion unbekannt. Seien Sie aber versichert, wir halten die Augen offen.

A dr Olymiade in Brasilia wärde Vorsichtsmaassnahme traffe 450'000 Kondom wärde verteilt und lähdnd loh hoffe. Doch sind nume ca. 10'000 Athlete cho Ou e Sportler muess zerscht mau 45 Stück möge dore loh.





Zum de Aspruch vom Dirigent zentsprache
 Dönd die zwö en Probetermin absprache
 Zum Üebe in Kappel bir Marlise deheim
 Lust derzue hends aber beidi nit so insgeheim
 Denn grad beidi dönd s'Mundstück deheim vergässe
 Treffet öich doch snöchstmal grad direkt zum ässe
 Verena Virtue und Markus Schindelholz

Wenn Zahlige bir Bank uf gesch
 Der Zahligsgrund au wichtig esch
 Stoht döt vellecht dr Name Siria
 Meine die s'Geld sött noch Syrie ga
 Vor Angscht, dass d'Amis mit Buesse rüehre
 Duet Credit Suisse so öppis ned usführe



Findest du den Fehler)
 Was esch wo, wo si mer do?
 Uf welere Site vo dr Dünnere
 si jetz die Dümmere?



Zuckerwatte und Magebrot das liit schwär ide Luft, doch gits e feine Duft.
 Mer göi uf Oute ad Chilbi, das säge sich **d'Sara, d'Alex** ond **de Chregi**.
 Mitem Bus wöisi goh, aber istige wösseds nonig wo.
 Sie chöme nand öbers Chrüz entgäge, doch die Müeh die isch vergäbe.
 D Sara wartet a de Solothurnerstrass und dänkt, wo send sie bloss?
 Ond s Lötchers, jo das esch keis Gspässli, sie stige ih im Gässli.
 Doch zletscht do traffe sie sich doch no im Bus, das esch vör alli e grosse Gnuss.
 Die Moral im Fall des Falles, gueti Kommunikation esch alles.



ÖFFNIGSZYYTE ROOT-HUUS

Schmotzige Donschtig:	13:40 bis 18:40
Fasnachts-Frytig:	10:00 bis 19:40
Umzugssamschtig:	15:00 bis 19:40
Sonntig:	13:40 bis 18:40
Rosemäntig:	13:40 bis 19:40
Fasnachts-Zyschtig:	13:40 bis spät

Au zwöi Johr döi **d'Höckeler** uf Reise goh,
 doch was do aus passiert chasch ned verstoh.
 Am Floghafa fot s'Dilemma ah,
 dr Flüger het e plate Reife gha.
 Die einte göi i dere Zyt go z'Trenke fasse,
 ond döi wäge däm fasch der Flüger verbasse.
 In Amsterdam acho dasch gar ned nett,
 hei im Hotel nor die halbe Zünftler es Bett.
 Die anderi Höufli lot sech haut dor d'Stadt lo schoffiere
 ond duet die erschti Nacht amene andere Ort logiere.




KuKo Nachschulung Feuerwehr 1x1 Basiskurs 1 - Der Rauchmelder

Ein Rauchmelder ist ein elektronisches Gerät, welches Rauch meldet. Wenn dieses Gerät Rauch meldet, denkt die Feuerwehr, wo Rauch ist muss auch Feuer sein und kommt vorbei. Das Gerät ist nicht in der Lage zu unterscheiden, ob es sich um Wachsrauch, Weihrauch oder Brandrauch handelt.
 Bei Fragen wenden sie sich an Rauchmeister Vögeli, er hat den Kurs durch einen Selbstversuch mit fasnächtlicher Bravour bestanden.





Vor de Ferie erledigsch no es paar Sache,
 d' lladig für d Vereinsversamlig tuesch ou no mache,
 Ab uf Poscht und zifrede bisch,
 bi de Heimkehr legge 2 vo dene Couvert wieder ufem Tisch,
 För de Pöstler sind fascht läär
 wenn d Omschlag sind fascht läär
 nor e Name und kei Adrässe,
 Asti do chasch d Zuestellig grad vergässe.



Dr neu Späri dä duet stoh,
 doch ou einigi Froge henterloh.
 Zom d'Boxe ischhalte on weder us,
 bruchsch Flögu oder e Leiterere
 Ond ou d' Lampe bes am Schluss wird das scho guet cho,
 die Monteure sötsch au s' öffne vo de schränk blockiere,
 Mer het dänkt, bes am Schluss wird das scho guet cho,
 doch d' Bouführig darfsch ned jedem überloh.



Feschte und trinke ghört nachem Turne derzue
 Wenn aber am nächste Tag hesch no viel zdue
 Denn duetme nit übertribe und rechtzeitig ufstoh
 Doch eine loht am Sporttag sini Kollege lo stoh
 Erst am Nomitag wo d'Arbeit isch vollendet
 Het sich de **Ueli Kissling** afangs gmeldet



D'Ehr als Organisator wird ihm übergäh
 En grossartigi Riegereis sölls gäh
 Schitttere duets aber scho bi de Termine
 Sini Fröndin zieht scho en bösi Mine
 Die gmeinsame Ferie sinds ou uf denn go bueche
 Wöu er kei Strit mit sinere Frou duet sueche
 Wird die komplett Riegereis für alli verschobe
Mätthu Meier, dini Planig chame alles andere als Lobe



Am Eidg. Schwingfäscht ben eg au derbi
 gässe, trunke, Bier und Wy
 zobe hei no a d' Chilbi gange
 und a de Bar ou bliibe hange
 gäge Morge louffi hei, bi dr Hustöre verbi
 scho ben eg bim Nachbar im Garte gsi
 mer esch `s gloub nömme guet im Chopf
 s' Bett han eg gsuecht im Gräteschopf.
Noel Holzschindel



5 Froue göi i d' Lenzerheid e chli go d' Sou abloh
 Das esch doch toll und cha me au verstoh
 Si göi mit em Zug, wöu das duet sehr guet klappe
 Doch bim Heifahre duet de d' Falle schnäu zueschnappe
 Im Intercity gohts vo Züri schnäu richtig Oute, das chasch ned toppe
 Doch **Susi, Bäbs, Nici, Marlies und Andrea**, dä duet bis Bern ned stoppe



Der Glarner Mätu isch Schwingerkönig,
 e grosse Muni gits näbscht der Krönig;
 Für ötis isch aber der gröschti bömer:
 das stouze Tier het jo gar keini Hörner!

Spaare, Spaare, Spaare, Spaare
 Spaare, Spaare, Spaare, Spaare
 E so es Spaare chöi mer ned begrüesse
 Wo 600 Filiale schliesse müesse



letztes Jahr am Rosenmontag
 über Deutschland ein grosser Sturm lag
 an einen Umzug war nicht zu denken
 der Sturm wollte ihnen das nicht schenken
 doch in Düsseldorf hört man nicht schenken
 Und man am Umzug doch noch schon munkele
 Und prompt wird gefeiert und möchte schunkele
 5 Wochen nach der Fasnacht dies passiert



GEITS?

Online buèche esch kei Sach,
doch da esch sicher ned vom Fach.
Erscht i 5 Woche wet di Kolleg im Flogzüg si,
doch bes denn esch die Buchig für hüt scho lang verbi.
Fischer Adi

**Dr Kreisu esch jez gross, das cheu au gseh,
doch i dr Metti esch emmer no nit a je mi ne.
Unsere Nachbargemeinde**



Der Termin vo dr GV het dr **Röschu Möri** vergässe
anstatt bi de Guggen, esch är z Lenzburg gsässe.

Am Turnfest het är wölle go Fraue ufrisse
Doch so wirklich duet ihm keini abisse
Denn Hygiene isch fürd Fraue wichtig
Mit Mundgruch geits drum nitso richtig
Dis **Necessaire** setsch halt nit vergässe
Silvan Geiser duesch jetzt halt en Kaugummi frässe



Wenn nit wetsch ufd WC-Schüssle setze dis Födli
Denn nimmscher zur Hand es paar 10er Nötli
Wers Geld het cha so öbis mache
Nur wens de lohsch lo ligge chame drüber lache
Ufde Toilette hetme dis Geldnötli gfonde
Janina Studer nimm doch gschider Papier zum go pfonde



D'Hallereservation für d'Gugge het si im Juni a Gmeind useglo
doch Bestätigung esch bis Endi Dezember immer noni do
si wätteret und futteret und dänkt, das esch e Seich
die of der Gmeind, si scho chli weich
jetzt macht si Dampf, si brucht das Schriebe
doch glaubet mer, jetzt duet sis übertriebe
denn Bestätigung esch scho sit em Juni bi ehre dehei
läck **Hirrlinger Shana**, bisch du es Ei



SCHNITZELBÄNKE & GUGGENMUSIK

Schmutziger Donnerstag
ab 19:45 Uhr in den
Fasnachtsbeizen

Mit ROOT XL,
Schlumpf-Zunft,
Hägageri Guggen,
Höckeler-Zunft
Höckeler Sengbuebe
und NEU:
Gold Söi!

**E Fuessballtrainer het ganz e bsunderi Mode,
längt bim Spöu ame mit de Händ a sini Hode.
Nochär duet är ned öppe fründlich winke,
sondern schmöckt a de Händ wie si stinke.**
Jogi Löw



Am Geburtstagsfäscht si mer am Gartetisch gsässe
hei Bier und Wyy trunke, und Würscht derzue gsässe
met der Zit eschs worde langsam Nacht
är brengt es Cherzli ufe Tisch ond het de glacht
plötzlech fots a stinke, das cha doch ned si
das Cherzli esch us Plastic, ond het e Batterie
der Strube Marcel

scho im letschte Jahr hani müesse Brichte
das Olte Südwest uf Schönheit tuet verzichte
i de Plattebaute goht s'Liide witer
sie suche fliessig neu Mieter
will die wo letscht Jahr si döte gsi
die Meischte scho wieder verschwunde si





Im Nationaurot wird heftig diskutiert,
eine vo der SP het ned vöu studiert.
Der Beat Jans het gar nüt kennt
und d'Frou Martullo Blocher gnennt.



Erst nach ei, zwöi Schlück Wii
Fallts der bim Wiehnachtsässe vom Geschäft i
Das jo no en Torte bstellig hesch abgeschlosse
Nur isch de Vögeli Beck scho sit 6 Minute gschlosse
Probiersch trotzdem im Lade über telefonisch zerreiche
Hesch Glück und duesch tatsächlich no über breiche
Dass die vom Beck no schaffe duet se begeischtere
Nur dorum cha d'**Corinne Kiser** das Problem no meischtere

Wenn sie duet füre STV Bstellige mache
D'Lieferante hend guet z lache
Grad zweimal en Hockey-Usrüstig het sie bstellt
Wöu die ersti weiss sie nömm wo sie die he het gstellt
Due dis Material chli besser Organisiere
Steff Pflueger nur so chas ou mal funktioniere



Bisch bereit und wetsch zum Halbmarthon starte
Bide Startlinie duesch gspannt ufe Startschuss warte
Aber ohni Nummero und ohni Chip
Bringter nit viel de qualvoll langi Trip
Schnell zrug id Garderobe alles go hole
Jetzt muesch halt vo hinde wieder alli ufhole
Wenn ou im Alter no wetsch go laufe
Thomi Däppen de dueschder besser en Hirntrainer chaufe



SCB
ERN
knapp nur Play Off hei si gschafft
und hei de Trainer de grad gschmisse
e Neue gholt zum z Saison rette
es glücklechs Händli gha die Deppe
dr neu Trainer macht sin Job
jo SCB, das isch Top



Im Garte e Pool ufstelle esch allerhand
Se fülle dä grad bis undere Rand
Doch stoht dä schief und kippt grad um
Päscu, Sigi und Adi, läck sit der dumm

Wenn wotsch si e rächte Ma
muesch d Rekruteschuel gmacht ha
är het de packt, und rückt de i
e gloub ha aui wechtige Sache derbi
scho baud gohts uf zum erschte Marsch
är dänkt sech do Läck mer am Arsch
wenn wotsch die rechte Socke zum louffe
sötsch ned Dame Strumpfhose chouffe
Silvan Geiser



Rassig fahre das chasch mache
aber ned dor Hägedori met 130 Sache.
6 Monet Cheschte het das gäh
das muesch jetzt haut i Chouf näh.



Olympiade in Rio si e grandiosi Sach,
doch wägem Wasser gits öppe Krach.
S'Wasser isch gruen gsi im Turmspringbecki
und der Bakteriewärt ir Segubucht ar Decki.

D'USA das weiss me ja, hets Herni no ni im Schädel gha.
Sösch chönnt jez dort ned Präsi si,
dä wo scho emmer dr gröschti Depp esch gsi.



Schnitzelbänke & Guggenmusik

Samstag, 25. Februar 2017



Zeit / Ort	Rest. Schlüssel	Bistro Vögeli	Rest. Teufelsschlucht
19:00 Uhr	ROOT XL	Schlupf-Zunft	Höckeler-Zunft
19:40 Uhr	Hägageri-Gugge	Höckeler-Zunft	Schlumpf-Zunft
20:20 Uhr	Schlumpf-Zunft	ROOT XL	Höckeler Sengbuebe
21:00 Uhr	Höckeler-Zunft	Hägageri Gugge	Gold Söi
21:40 Uhr	Gold Söi	Höckeler Sengbuebe	ROOT XL
22:20 Uhr	Höckeler Sengbuebe	Gold Söi	Hägageri-Gugge

I nes säubschtfahrends Postouto ischtige, wählsh us met Bedacht.
Es bout e Unfall, samt Begleitperson wos überwacht.

Warte warte, wenn chomnt äch Poscht
mer ghörtse ned cho, die fahre met Strom, nömme met Moscht
plötzleche Knall, wie ne Lawine vom Dach
e gäle Töff im Briefchaschte, dä esch jetz flach
Gisela Jenni

am 14.3 gömmer los, is Musical das wird Famos...
ou me söt Ticket's nochem bstelle nomol alluege
am 15.3 gömmer los, is Musical das wird Famos...
ein paar Musical begeisterte Guggerinnen

Si muess 2 Chind es Tenniscenter due
I blibt Deheime und wott sini Rueh
Si goht no go poschte es Coop sesch jo ned wit
und dänkt, für im Center i Beiz wär au no Zyt
Sie lüetet hei a und seit am Sohn e chume
aber wo se dä wott hole esch dä ned ume
D'Isa Flury weiss nüm i no us und esch ganz verstört
doch dr Nick hockt im Bistro und trinkt e Sirüpli dort

Bim Jogge-geisch ufs Ganze
Nit das no bechonsch en Ranze
Witer secklich über Stock und Stei
Doch plötzlich weisch nömme der Wagzug Hei
Muesch de Bus näh zum de Heiweg-zfinde
Jasi Martin setsch dir es Navi umbinde

Telegramm von Frau Merkel an die österreichische Regierung:
Haben bald Wahl STOP
brauche dringend Hilfe STOP
wo bestellen sie ihre Wahlcouverts STOP
würde mir noch ein paar Monate schenken STOP

D'Russe si im Sport e Macht,
aus änderet sich jetzt über Nacht.
A de Wettkämpf wird me si misse,
die meiste hei mit Doping bschise.

Auf dem Parkplatz neben dem Coop
 Wer hat das verloren? Welcher Idiot?
 Ein Umschlag mit Geld tut auf dem Boden kleben,
 doch dank dem Kontoauszug kann es der Finder der Höckeler-Zunft wieder geben.
 Aus der Fahrertür ist gefallen der Kleister
 vom Auto des Seckelmeister



Es isch meischt blöd wenn zfrüeh duesch cho
 Sogar i de Musig hets eine häre becho
 Bim Marschiere mit der Musig verloht ihn sis Glück
De Budi trommlet s'Endi vom Marsch scho zmitts im Stück



Mängs Johr esch si gstande näb dr Hustöre
 e Latärne met Cherze, ned e Föhre
 e ha se potzt ond ufe Husplatz gleit
 ond scho esch si weder för a ere Platz bereit
 d Maria fahrt met em Auto rückwärts ond het kei Glück
 die Latärne esch jetz i 1000 Stück



Paria und Madi Fürscht

Wenns Brot im Lade wird knapp
 Macht d'Verkäuferin ade Theke nit schlapp
 Sie holt no wifers Brot vom Lager hinde
 Nur blöd, wennme nur no vorbestllts Brot duet finde
 S'vorstellte duet drum überd Kasse wandere
 Störe duet das de aber bald mol en Andere
 Obwohl der **Vögeli Beck** normal gits Beschte
 Gits füre Fondueobe vo de **Schlümpf** nur Brotreschte



Im Dorf wird bouet a jedem Egge,
 immer wieder cha är no drufflegge,
 D'Bouplätz si a einer Hand abzöüt,
 wo är keis Gebäude hänestöüt.

wenn eg ad Euro dänke
 tuets mer es Lächle schänke
 Island würkli Grandios
 de Titel für Portugal au Famos
 nur üsi Buebe hend hart gha zgnage
 und noch Pole muese zum Heiwäg atrabe



E Veloständer kauft und am Flammer gseit är söu dä mondiere
 Damit aui d'Velo bim BKB Block guet chasch parkiere
 E mou schnell go die Schrube gä, das esch e churzi Gschicht
 Doch wöu dr Ständer ned ume esch macht är es komischs Gsicht
 Per Telefon duet är am Chund die Sach verzöue
 Und wöu dä gsthole worde esch, muess dr **Bauer Beat** e neue bstöue



E schöne Garte es esch e Pracht
 Am Obe be ne heicho, ha de nömm glacht
 ha gseit tue die gäle Blüete abschnide wo si verbi
 wo ne weder gluegt ha, si keini Blueme me im Garte gsi
Patrik der Fürstliche





Am Fasnachtsmäntig e Gmeindrotssitzig plane
do chonnt jo jede zwöit scho metere Fahne.
Andersch duesch das ou ned dorestoh,
Dass d'Ampele i der Schuel of rot duet stoh.



D'Bouerei im Späri goht im Ändi zue,
bis zu de Sommerferie gits no vöu z'tue.
Gli cha me dä Schuelrum i Aspruch nä,
d'Schueleitig het d'Zimmeriteilig use gä.
D'Sarah Bume het das gseh und sofort büglet
und aus Material i ihres nöie Zimmer züglet.
I de Ferie näme d'Ereignis ihre Louf,
gwüssi Lärloif nimmt me denn i Chouf.
Nach de Ferie hei d'Lehrer das i d'Hand gno
und die Armi het es anders Zimmer übercho.



Raiffise-Arena, Thalacker, Oberdorf
Oder Doch irgendwo im Nachbarberdorf?
Setsch chli öfter id Turnstund go spörtle
Simon Kissling de müesstisch nit immer d'Halle rötle



Im Schueulus Oberdorf esch eis i ond us,
mängisch chont do kei Sou me drus.
Sogar es Tier esch derbi anes parne Täg.
Die Chatz heist Balu ond esch vom Lärchewäg.
Worum goht denn das Büsi äch so wif?
Eschs z'Fräse bis Studers ned der Hir?




D'Unihockey Profis chöme nöimme noch
Bi öis in Hägedorf mögets viel meh Ball iloche
Viel schneller sind sie am andere Ändi vom Feld
Me chönt meine **der STV** hätt zwenig Geld
Denn ei Bande pro Feld hend nit verbaut
Zum Glück merckts no eine bevors all hend vergraut



Die Reis z'organisiere duet em ned schwär falle
Wöu em Teilnahm selber hät guet gfall.
Doch anstatt met uf Mönche go Bierli trenke
Muess är i WK das duet em scho chli stenke.
Gimon Slaus



nömm lang wirds go
de wird au vor dinere Huustür en Roboter mit me Päckli stoh
D Post isch das jetzt scho am Teschte
und wennis sis schaffe, werdets Feschte



D Elektra GV esch z Gunzge gsi
är chonnt met em Velo, är esch ou derbi
föör zom heifahre het är nöimme Pfus
drom nemmt är svelo grad met i Bus
HR Hodu



FASNACHT HÄGENDORF Farbäfrohd und XL-stark

ROOT-HUUS

23. Februar 2017
bis
28. Februar 2017

Donnerstag 23.02.17
Freitag 24.02.17
Samstag 25.02.17
Sonntag 26.02.17
Montag 27.02.17
Dienstag 28.02.17

13:40 Uhr bis 18:40 Uhr
10:00 Uhr bis 19:40 Uhr
15:00 Uhr bis Open End
13:40 Uhr bis 18:40 Uhr
13:40 Uhr bis 19:40 Uhr
13:40 Uhr bis Open End



CHESSLETE

Schmutziger
Donnerstag,
23. Februar 2017

Punkt 05:00 Uhr chesslet's durchs ganze Dorf. Anschliessend offeriert die Einwohnergemeinde in der Raiffeisen Arena Mehlsuppe. Start: Spitzacker
Achtung: neue Route in die Raiffeisen Arena

ROOT-RAT
HÄGENDORF



SCHNITZELBÄNKE UND GUGGEMUSIK

Ab 19:30 Uhr in den Restaurants Teufelsschlucht, Schlüssel, Sportsbar, Bistro Vögeli sowie im Restaurant Insieme (Seniorenzentrum) durch Root XL., Höckeler-Zunft, Schlumpf-Zunft, Hägageri-Gugge, Höckeler Sengbuebe und Gold-Söi.

ROOT-RAT
HÄGENDORF



SENIORENFASNACHT

MIT SPIEL, SPASS UND ATTRAKTIONEN

Fasnachtsfreitag,
24. Februar 2017

13:30 Uhr in der Raiffeisenarena, organisiert von der Hägageri-Gugge i.A. der Einwohnergemeinde. Mitwirkende: Root XL., alle Zünfte, Kliken und die Gugge.



BEIZENFASNACHT MIT MASKENTREIBEN

Ab 20.00 Uhr in sämtlichen Fasnachts-Beizen von Hägendorf, alle Fasnächtler machen mit. Barbetrieb in der Sportsbar.

ROOT-RAT
HÄGENDORF



FASNACHTS-UMZUG

Alt & Jung sind herzlich eingeladen. Ab 14:00 Uhr Schulhaus Oberdorf. Im Anschluss offeriert die Gemeinde Wienerli mit Brot für Kinder & Umzugsteilnehmer.

Fasnachtssamstag,
25. Februar 2017

Anschliessend FASNACHTSTREIBEN AUF DEM DORFPLATZ

mit verschiedenen Essens- und Getränkeständen.

ROOT-RAT
HÄGENDORF



SCHNITZELBÄNKE UND GUGGEMUSIK

Ab 19.00 Uhr in den Restaurants Teufelsschlucht, Schlüssel und Bistro durch Root XL., Höckeler-Zunft, Schlumpf-Zunft, Hägageri-Gugge, Höckeler Sengbuebe und Gold-Söi. Barbetrieb in der Sportsbar.

ROOT-RAT
HÄGENDORF



Fasnachtssonntag,
26. Februar 2017

KINDERMASKENBALL

Von 14:00 - 17:00 Uhr in der Raiffeisen Arena.
Eintritt: Fr. 6.- inkl. Hot-Dog



Fasnachtsmontag,
27. Februar 2017

FASNACHTSTREIBEN

Ab 15:00 Uhr. Rund ums Root-Huus kunterbuntes Treiben mit Root XL. Konfettischlacht & Guggen-Klänge.

ROOT-RAT
HÄGENDORF



HÖCKELER-MASKENBALL

Ab 20:00 Uhr in der Raiffeisen Arena. Livemusik „Twaner Sound Machine“ Guggenklänge, Barbetrieb, Restauration. Eintritt: Fr. 10.- / Vollmasken frei.



Fasnachtsdienstag,
28. Februar 2017

KINDERDISCO AUF DEM DORFPLATZ

Von 14:00 - 16:00 Uhr Fasnachtstreiben auf dem Dorfplatz. Mit Kinderschminken.

HOTSCHIFÜÜR MIT ANSCHLIESSENDER USLOMPETE

Um 19:10 Uhr zündet der Root XL. auf dem Dorfplatz das „Fasnachtsfüür 2017“ an. Anschliessend Uslompete auf dem Dorfplatz und im Root-Huus.

